

Mwrwknaini Kuktun

October-November 2025

Ani khapangni mwrwknaisong tei Kwthar Mothani joto poito khlainaisong!

Pha, Sajla tei Phola Kwtharni mung bai, Kaisa Kaitor, Amen +

Ang o kok saui chengnai je norokno o kuktun swinai ani belai jora kaham tei khapang swrangjak. O kuktun ang norokno norokni pholani apha wngwi rohoru, tamni hwnkhe omo belai nangkukma kokrok Kaitor ani khao samani chini Mothani bagwi o jorao tei norokno muihu khlai rwo bswk kuthuk tei morok khe norok jotono ang uansuk. Chini Mothani Bishopsong tei father song norokno swimani abo chwng swkangni khristan mothao kiphilwi thangmani kokse. Tabukbu kwbangma kuktunrok khatiui narwkjak tongo. Aborok mothano kwrak tei thansa khlaina bagwi swijakmarok, chwng khibijak tei saksakni muchungma twi tongnaniya abono kaham sai mannani, chwng Khristoni Bwsakni borok wngwi tongmani se. Mothano rwktharma abo Khristono klaio, tamni hwnkhe bo bini bokhorok.

St Cyprian sama hai,

" Je borok bini ma ni bagwi motha kwrwi hwnkhe bo bini aphanu bagwi Kaitor kwrwi."

Motha Calendar:

Kaisa belai nangkukma thansa wngnani kok hwnkhe Mothani calendar. Abo salbrumno chini kungchukma bwkha koinene khlai tei Khristono kwcharo tono. Abo jorano kwthar khlai ---- salrok, hatibar rok, talrok --- pholani tongmung bai bohrokno tisama klaio. Calendar chwngno Khristoni tongmung bai twidulo tei chwngno thansao tongmani marino phwrwngo -- terni bisingtwi, okbukcha tongmani bisingtwi, borok kwthar rokno muihu khlaima bisingtwi chwngno palbaksa Kwthar khe tongmani chubao.

St Basil the Great chwngno muihu khlai rwo,

" Motha chwngno ter tei okbukcha tongmani rwmani abo mungsa poja wngjaknani kokya tamkhe abo chini pholano phwrwngna bagwi se tei chini bwkhano Kaitorni aro twlangnani se lama phunugo. "

St Chrisostom chwng bwkha bacha rwo:

" Phaidi chwng motha bai rwjak ter rokno saknangya wngthai kwrwi, aro pholani rakmung tei dagimung mano. "

Haini bagwi, ani khachuksa song, Kaitorni tongmung tongna hwnkhe Mothani Calendar no yachakdi hwnwi ang norokno kha bacha rwo.

Kwtal Liturgy ni bisi:

2 November 2025 salmarini simi Believers Eastern Church kwatal Liturgy ni bisi o habnani thangwi tongo. Mothano calendar tei lectionary kwatal Liturgy bisi ni wngwi norok saksakni copy manna thangwi tongo.

Poito khlainai songni bagwi dagimungrok:

* Abono sanwi nadi: nini mothani ochaini thani kaisa copy sanwi nadi. Norokni nukhungo kaisa calendar le jeas khephano tongna nangnai tei abono nini nogo joto nugwi mannai thaio khachiui ton di.

* Abono poridi: Nini nukhungo abono mariui poridi. Bu salo okbukcha eba ter rok tong aboni salmarino swi narwkdi aborok romdi Easter, Great Lent, tai kubun nangkukma jorani pandarok, hake nwing abono kaham khe palai mannai.

- Abono twi chapdi: Lent Kotor wngkha chini Mothani belai nangkukma jora. Mothani o pandarogo manjakna bagwi chongwi nadi. Okbukcha tongmani raida rok twi khलाई - muihan chaya tongnani, mobile aswk twiyai tongnani eba haino nangnungya rang eba jora swbaiyai tongnani tei rang khatiui narwkmano kwrwi borokno rwnani. Brwichi sal romwi panda khलाई thani tai kubun pandarokni bagwi chaitokdi aboni bisingtwi chini Phola torsanani. Nini mothani ochaino swngdi bu bu thaio chwng o panda khlainan khलाई.

- Buino sadi: Nini chwrairokno Mothani calendar ni nangkukmano phwrwngdi. Bohrok hakchalo phano tongwi poriu tongwi thung eba samung phano khलाई tongwi thung, omono palaina bagwi kha bacharwdi. Chwrai rok chini thani naiui swrwngo, aboni bagwi ma pha tei okrarok phunukmari bai tongdi. Omohai khe phwrwngmani abono Kaitor chwngno barja rwmاني chini phainai pirokni langmano tisanani.

Ochairokni bagwi dagimarok:

* Mwrwkna haino wngwi tongdi: Nini mothao kwchang khe phwrwngdi Mothani calendar ni kokno. Nini mothani bororok nwing bahai khe phunukmari bai Mothani calendar no palai abohai kheno bohrokni swrwngnai.

* Calender ni mote tongsukdi: okbukcha tongma eba kunu ter rokno eba muihu khilaima pandarokno khilaiya ui eba saknangya wngwi ta tongdi. Church headquarters bai rohorjak calendar tei Liturgy rokno kaham khe khilaidi tei Kwthar Synod bai dagijakmungno kaham khe khilaidi.

* Swrwngna bagwi ui ui wngdi: tumungno nwnng aro mungsaswk siya hwnkhe, koinene khe nini Diocesan bishop eba diocesan vicarni swngdi. Nwnng sima bai simi wngkha hwnwi ta tongdi. Kwbang swrwngnani mang naidi.

* Lectionary no rwkthardi: Lectionary abo surima bisingtwi se tiyar khilajago. Bible bwchap tei theme rok abo Khristo o tornani tei chini Kwthar Mothani hukumu o poito khilainairok torsanani. Abono belai kaham khe rwkthardi.

Ani khapangni Jisu, bini kuchukni ochaini surima bai hai hwnwi sakha, " Subraiying, nwnng kubui bai khe bohrokno kwthar khilaidi; Nini Kok wngkha kubui." (Johon 17:7-19) -- tai omo chini naisikma o swngcharo tongphalio. Kha kiphilma lama o tongphlainani hwn khe, soi kaham wngthai, Kaitor hai wngwi mannai. O swngcharo amjokmung tei raida rok abo chini buchimani slai phan kuk, mungsa phano sajakyauui bohrok chwnngno Kaitor bai tei Kwthar Motha bai hakchal khilaiui mano. Aboni bagwi chonghor Pol chwnngno rakdama khe kok sao, "O swngcharni tongmung chamung bai ta tongdi." (Rum 12:2). Chwnng chini saksak muchungwi omono khilai manya; chwnng chubachu nango. Kaisa lamatwi chini Mothani father song chubui mannai hwnkhe abo chini Mothani Calendar - chini mokol Kaitorni hani o kwrwngwi tongnani tai abo phai tongo.

Kwthar Kwthamsa Kaitor - Pha, Sajla tei Phola Kwthar - nini khano, uansukmano phan rwthung, Kaitorni simungo sinani nini mokolno phiyokthung tei Kwthar Theotokos surima bisingtwi joto kwthar bororok, Kwthar Mothani raidani bisingtwi songchaui tongwi mannani tabuk tai thwiyasak jora. Amen+

Khristo o Norokni Pholani Apha

Moran Mor Samuel Theophilus Metropolitan+